



Nannunik takunninnermi najoqqutassaq

Nannut inunnik, uumasuutunik, atortunik, illunik il.il. ulorianartorsioertitsisinnaapput. Saassunneqaataasinnaasumik iliuuseqartoqassanngilaq. Misigisassarsiorusunneq nannunilluunniit assileerusunneq ilinnik, allanik nannunilluunniit ajornartorsioertitsissanngilaq.

Nannunik nerisitsineq

Nannunik nerisitsineq narassiinissarlunniit mianersoqqussutigineqarput, tassa nannut inuit tipaat nerisassatut paasisarmatigit. Tamanna kinguneqarsinnaavoq nannut inoqarfinnut uteqattaarnerannik.

Nannut inoqarfiit avataaniittut

Saassunneqatsaaliorneq pitsaanerpaaq tassaavoq ingalassimaarneq. Nannunik takunninnermi allamut nuuttoqartassaaq, pisassiissutitalimmik nannunniarneq ingerlatinngikkaanni. Nannunik takunninnermi Aalisarnermut, Piniarnermut Nunalerinermullu Naalakkersuisoqarfik (APNN) aamma piniarnermik aalisarnermillu nakkutillisoq nalunaarfigineqartassapput. Attavissat quppernermi kingullermi takuneqarsinnaapput.

Nannunik takunnikkaanni qanoq iliortoqassava?

- Nanoq ingalassimajuk. Allamut nuugit
- Nannunik sumi takunnissimanerlutit sapinngisamik paasissutissat assigiinngitsut APNN aamma piniarnermik aalisarnermillu nakkutillisoq nalunaaruteqarit.

Inoqarfinni tamakkulu eqqaanni nannunik arlalinnilluunniit takusinermi immersugassiaq APNN-ip innersuussutigaa. Ilitsersuutit misissorluarnissaat pingaaruteqarpoq. Immersugassiaq kommunip allaffianut saaffiginnilluni imaluunniit ww.naalakkersuisut.gl -imi pissarsiarineqarsinnaapput.

Nanoqarfinniinneq

Kalaallit Nunaani sumiluunniit nanoqarsinnaavoq, kisianni Upernavimmiit avannamut Tunumilu nanoqarnerusarpoq. Kujataani pingaartumik upernaakkut aasakkullu nannunik takunnittoqarsinnaavoq.

Sumiiffinni nannunik akuttunngitsumik takunniffiusartuni atortut nannunik qimaasitsissutigineqarsinnaasut nassarneqartariaqarput nannullu alapernaatsut qanoq qimaatissanerlugit ilinniarneqartarluni.

- Nipituumik suaartarit, nipiliorit anginerusutullu isikkoqarumallutit talitit aalatikkitt. Nannut alapernaatsut qimaatinnissaannut tamanna naammakkajuttarpoq.

Sumiiffinni nannunik takunniffioriaannarni qimaatitsiniarluni aallaanissamut atugassamik qoorortuumik tamatigut nassartoqartariaqarpoq.

Aalisarnermut Piniarnermut Nunalerinermullu Naalakkersuisoqarfik. Immikkoortortaqarfimmi pisortaq Amalie Jessen / im. pisort.

Oqa: +299 48 25 20, + 299 34 53 04 mobil: +299 55 33 42 im. mail: apnn@nanoq.gl,
amalie@nanoq.gl.

Juni 2015
Suliap nr. 2011-053684
All.nr. 1984520

Postboks 269
3900 Nuuk
Oqarasuaat (+299) 34 50
00
Fax: (+299) 34 63 55
E-mail: apnn@nanoq.gl
www.naalakkersuisut.gl



Minnerpaamik kal. 30-06, **ajornartoorluinnarnermi** nannumik aallaannittariaqaraanni. Imassat ulamertumik nuullit (soft point) pitsaanerpaajussapput.

Nanoqarfioriaannarni unnuinermi tamatigut pigaartoqartariaqarpoq. Toqqit imatut inissinneqartariaqarput tupeq siniffissaq tuperlu nerisassanik toqqorsivik minnerpaamik 50 meterinik imminnut ungasitsillugit. Eqqaaviit aamma toqqinit siniffissanit nerisassaasivinniillu ungasitsillugit inissinneqassapput.

Sumi tupernaveersaartoqartariaqarpa:

- uukkartartup eqqaani
- maniillaqarfinni (immami sikumi)
- sinerissami qaqqat qoroqarfianni
- eqqaani piseqarfiusinnaasuni
- nanoqarneranik takussutissaqartumi, tumeqartumi, nutaanik anaqartuni siloqartunilu il.il.
- tusaasaqarsinnaanermik annikillisitsisuni, assersuutigalugu kuup eqqaani.

Illoqarfiit nunaqarfiillu eqqaanni nannut

Nannut inoqarfinnut qanillattortut aallaasinik aallaalluni, kalerrisaarutit assigisaalluunniit atorlugit qimaatinniarneqassapput. Atortut savimminernik sanaat assersuutigalugu igat matui nipiliuutigalugit nannut qimaatinniarnerni aamma atorneqarsinnaapput. Umiatsiaaqqat, qamuteralaat ATV-lluunniit nannut qimaatinniarnerni atorneqarsinnaapput. Tamanna nipaatumik eqqissisimasumillu ingerlanneqassaaq (tiimimut kilometeriluinaat). Nannut kiaguleriataartarsinnaapput.

Illoqarfiit nunaqarfiillu iluini aallaasinik atuinisaaq inerteqqutaammat, nannup ataatsip arlallilluunniit illoqarfik nunaqarfilluunniit qanillartulerpassuk, politiinut kommunefoged-imulluunniit saaffiginnittoqartassaaq. Aammattaaq APNN-i attavineqassaaq.

Nanoq imaluunniit nannut arlallit illoqarfiit nunaqarfilluunniit avataanni qimaasinneqarpata APNN sumiiffimmilu piniarnermik aalisarnermillu nakkutilliisoq attavineqassapput.

Qanorluunniit pisoqaraluarpat APNN, Politiit, sumiiffimmi piniarnermik aalisarnermillu nakkutilliisoq aamma kommunefogedi nalunaarfigineqassapput.

Inoqarfiit iluanni "nannut ajornartorsiutaasut"

"Nannut ajornartorsiutaasut" imatut paasineqassapput qimaatinneqartaraluarlutik inoqarfinnut uteqattaartartut.

Toqutsinissamik akuerissuteqarneq

Nannunik ajornartorsiutaasunik toqutsineq **taamaallaat** APNN-imit akuerineqarnikkut pisinnaavoq. Nannunik toqutsineq periarfissat kingullersarissavaat, tamannalu pisariaqarnerisooq APNN pisumiit pisumut naliliisassaaq.

Toqutsinissamik qinnuteqarneq APNN-imut saaffiginnissutigineqassaaq aammalu uppernarsaateqarnissaq immikkuualuttunullu paasissutissiinissaq pisariaqarluni.

Assersuutigalugu:


- Ajoqusikkanik assilisat,
- isiginnittut eqqartugaat, nassuiaatigisaat
- Nannumik nannunilluunniit toqukkusutanik assit.

Aalisarnermut Piniarnermut Nunalerinermullu Naalakkersuisoqarfik. Immikkoortortaqaqfimmi pisortaq Amalie Jessen / im. pisort.

Oqa: +299 48 25 20, + 299 34 53 04 mobil: +299 55 33 42 im. mail: apnn@nanoq.gl,
amalie@nanoq.gl.



Politiit, kommunefogedi imaluunniit piniarnermik aalisarnermillu nakkutilliisoq aallaaviumik toqutsisuussapput.



Nannunik umernissamut inassuteqaatit (pissarsivik: www.syssemmannen.no)

Nannumik toqutsisariaqaraanni qanoq iliortoqassava?

- Pisumi **immikkoortualuit paasissutissiissutigalugit piniarnermik aalisarnermillu nakkutilliisoq aqutigalugu APNN** piaarnerpaamik nalunaarfigiuk.
- Malugiuk nannumik toqutamik tunniussinissaq pillugu ilitersuuteqartoq. Suliamik suliarinneqqinnissamut APNN akisussaasuvoq.

Nannut piaqqat aamma nannut ukiukitsut pillugit immikkut

Piaqqat arnavissallu eqqissisimatitaalluinnarput, tak. nalunaarut atuuttoq.

Nannut piaqqat pisini ukiukkut piaqqarineqartarput, ilimagineqartarporlu tamanna 1. januaarip missaani pisartooq. Piaraq ukiut marluk missaanni utoqqaassuseqaleraangami arnavissamit qimagunniarsarilersarpoq. Arnaviaanersoq angutiviaanersorluunniit apeqqutaanani arnavissatut angitigingajattarpoq.

Allatut oqaatigalugu: Piaraq arnavissatut ANGITIGINNGIKKUNI ukiup ataatsip missaani utoqqaassuseqartarpoq, NAMMINEERSINNAANANILU.

Pamiuaniit qingaanut 1 meterip missaani angitigiguni ukiup ataatsip missaani utoqqaassuseqassaaq, ilimanarluinnarlunilu nammineersinnaanngitsooq. Nikorfaarnani 1 meterit missaanni portussuseqaruni 1,5 – 2 meterit missaani angitigissaaq ukiullu marluk utoqqaassuseqareersimassalluni immaqalu nammineersinnaalereersimassalluni.

Ilimanarneruvoq nanoq piaraq inunnut qanillattussasoq. Piniarnissamik misilittagaqanngillat akuttunerumillu sakkortuumik kaattarlutik. Nannut piaqqat akerlianik qimaatikuminarnerusarput.

Nannut angutivissat arnavissallu angissusaat ukiuni siullerni ersarissumik allaassuteqarneq ajorpoq. Marsimi-apriilimi qinganiit pamiuanut uuttoraanni ukiumik ataatsimik utoqqaassusilik Kalaallit Nunaanni 147 cm missaani angitigissaaq, ukiunillu marlunnik utoqqaassusillit 172 cm. missaanni angitigissallutik. Ukiunik marlunnik utoqqaassusillit arnavissatut angitigingajattarput.

(Pissarsivik: Pinngortaleriffik)

Aalisarnermut Piniarnermut Nunalerinermullu Naalakkersuisoqarfik. Immikkoortortaqaarfimmi pisortaq Amalie Jessen / im. pisort.

Oqa: +299 48 25 20, + 299 34 53 04 mobil: +299 55 33 42 im. mail: apnn@nаноq.gl,
amalie@nаноq.gl.



**Piniarnermik aalisarnermillu nakkutilliisut ikiortaasalu
 oqarasuaataasa/allakkasuaataasa normui e-maililu**

Illoqarfik	Najugaq	Ateq	Telefon	Mobil	Fax	E-mail adresse / Iridium nr.
Upernavik	Postboks 116	Niels Hansen	345396	522160	961060	niha@nanoq.gl
						Iridium: 00881 641425129
	3962 Upernavik	Thomas Petersen Ass.	345398	229847		thop@nanoq.gl
Uummannaq	Postboks 4	Anthon Zeeb	345395	549728	951615	azee@nanoq.gl
	3961 Uummannaq		345392			Iridium: 00881 641425132
Ilulissat	Postboks 605	Ole Jerimiassen	345367	546619	942520	olej@nanoq.gl
	3952 Ilulissat		345369			Iridium: 00881 641425137
		Anthon Petersen		523692		ante@nanoq.gl
Sisimiut	Postboks 122	Hans Mølgaard	345382	528554		hansm@nanoq.gl
	3911 Sisimiut	Ubesat Assistent				Iridium: 00881 641425128
Maniitsoq	Postboks 100	Jakob Heilmann	345391	520929		jahe@nanoq.gl
						Iridium: 00881 641425130
	3912 Maniitsoq	Morten Lyberth	345394	487640		moly@nanoq.gl
Nuuk	Postboks 501	Per Nukaaraq Hansen	345384	487368	322265	pnh@nanoq.gl
	3900 Nuuk					Iridium: 00881 641425140
Nuuk	3900 Nuuk	Ado Holm	345358	548856		adho@sermersooq.gl
Arsuk	3932 Arsuk	Johan Mikaelson		263353		
Narsaq	3921 Narsaq	Ubesat				
Ittoqqortoormiit	3980 Ittoqqort.	Erling Madsen		599396		jagtbetj.itt@greenet.gl



Assillisoq: Erik W. Born

Aalisarnermut Piniarnermut Nunalerinermullu Naalakkersuisoqarfik. Immikkoortortaqaqfimmi pisortaqaq
 Amalie Jessen / im. pisort.
 Oqa: +299 48 25 20, + 299 34 53 04 mobil: +299 55 33 42 im. mail: apnn@nanoq.gl,
amalie@nanoq.gl.